



# IX CERTAME DE CREACIÓN AUDIOVISUAL EN LLINGUA ASTURIANA / GALLEGO-ASTURIANU

(P'alumnáu d'Educación Primaria, Secundaria y Bachilleratu)

## XLI Selmana de les Lletres Asturianas

Por cuenta de la celebración de la “XLI Selmana de les Lletres Asturianas” nel mes de mayu del 2020, les Conseyerías d'Educación y de Cultura, Política Llingüística y Turismu del Principáu d'Asturies convoquen el IX CERTAME DE CREACIÓN AUDIOVISUAL p'alumnáu d'Educación Primaria, Educación Secundaria y Bachilleratu d'alguerdu con estes bases:

**PRIMERA.-** Pue participar tol alumnáu dende 5.<sup>u</sup> cursu d'Educación Primaria a 2.<sup>u</sup> cursu de Bachilleratu.

**SEGUNDA.-** Los alumnos y alumnes han participar con un videu domésticu de creación orixinal y **temática llibre**.

**TERCERA.-** Tolos trabayos presentaos han tener la llingua asturiana o'l gallego-asturianu como llingua vehicular.

**CUARTA.-** Va dase un premiu por caún de los cursos que puen participar: 5.<sup>u</sup> y 6.<sup>u</sup> d'Educación Primaria; 1.<sup>u</sup>, 2.<sup>u</sup>, 3.<sup>u</sup> y 4.<sup>u</sup> d'ESO; y 1.<sup>u</sup> y 2.<sup>u</sup> de Bachilleratu. Va facese mención especial a los centros del alumnáu ganador del Certame.

**QUINTA.-** Los vídeos van poder ellaborase individualmente o en grupu. Los trabayos han constar d'un videu con un llargor mínimu de 5 segundos y máximu de 10 minutos. Pue tar grabáu con teléfonos móviles, cámara de fotos dixital o cámara de videu dixital. Los formatos en que se pue mandar el videu son: mov, mp4, mpg, wmv, rm, 3gp, asf y flv.

**SESTA.-** Pa participar, el centru tien que rellenar y unviar un Anexu I por caún de los vídeos presentaos.

Si nel videu apaecen imáxenes de persones non matriculaes nel centru, éstos tienen que conocer pa qué tán siendo grabaes y dar el so permisu.

**El profesoráu encargao d'unviar el videu tien que tener, per escrito, el consentimientu del pá/ma o tutor/a llegal del alumnáu qu'apaez nes imáxenes.**

**SÉPTIMA.-** El videu va poder unviase:

**De forma dixital**, col/os Anexu/os I escaniáu/os, los permisos firmaos y escaniaos y un enllaz a Wetransfer pa descargar el videu o un enllaz a Youtube onde poder velu. Ha unviase too al corréu electrónicu [splnormalizacion@asturias.org](mailto:splnormalizacion@asturias.org)

**Per corréu postal o en mano**, nun sobre col/os Anexu/os I, los permisos firmaos y CD o llápiz de memoria, qu'ha llevar el títulu de cada videu presentáu, a les señes:

Serviciu de Política Llingüística  
Consejería de Cultura, Política Llingüística y Turismu del Principáu d'Asturies  
C/ Eduardo Herrera, "Herrerita", e/n, 3.<sup>er</sup> planta  
33006 Uviéu

N'entrambos casos el plazu de presentación acaba a les 20:00 hores del **xueves 19 de marzu del 2020**.

**OCTAVA.-** El Xuráu va tar formáu por persones averaes al ámbitu del mundu audiovisual, les artes plástiques y la educación.

**NOVENA.-** El fallu del Xuráu va facese públicu nel mes d'abril del 2020. Los premios del Certame van entregase nun actu entamáu poles Consejerías d'Educación y de Cultura, Política Llingüística y Turismu del Principáu d'Asturies onde se va facer l'homenaxe escolar al **Día de les Lletres Asturianas**.

**DÉCIMA.-** A la ceremonia d'entrega de premios van poder asistir dos alumnos/es representantes del grupu ganador acompañaos por profesoráu del centru.

**DECIMOPRIMERA.-** La participación nel Certame supón tar d'alcuertu coles bases establecías. Al fallu del Xuráu nun se pue retrucar.

**PA MÁS INFORMACIÓN:** Tfnu. 985.10.19.15



# XLI Selmana de les Lletres Asturianas

## ANEXU I

SOLICITÚ DE PARTICIPACIÓN NEL IX CERTAME DE CREACIÓN AUDIOVISUAL EN  
LLINGUA ASTURIANA/GALLEGO-ASTURIANU  
XLI SELMANA DE LES LLETRES ASTURIANES

Centru:	Códigu centru:
Señes:	C. P.
Teléfonu/Fax:	Email:
Profesor/a responsable:	
Alumnáu participante (indicar nome, apellíos y cursu):	
Títulu de la creación audiovisual:	
Autoría:	
(Sellu del centru)	

SERVICIU DE POLÍTICA LLINGÜÍSTICA  
CONSEYERÍA DE CULTURA, POLÍTICA LLINGÜÍSTICA Y TURISMU DEL PRINCIPÁU D'ASTURIES  
C/ Eduardo Herrera, "Herrerita", e/n, 3.<sup>er</sup> planta, 33006 Uviéu.

Tfno. 985 101915

[splnormalizacion@asturias.org](mailto:splnormalizacion@asturias.org)

[lilinguastur@educastur.org](mailto:lilinguastur@educastur.org)